

樂城縣志卷十一

人物志

宦蹟 義行

學行 隱逸

忠烈 耆壽

孝行

宦蹟

武畧附見

昔宣聖有言不患無位患所以立士君子出身加民或

位至卿相或職綰半綬令聞廣譽沒世猶稱者誠有在

已欒席仁卿之遺徽守伯修之峻烈樹立自不乏人其

祀於社奉於鄉固垂之不朽而治道攸關政事具舉又

不獨弔馬張勳猷足述也爰綴舊志廣其未逮著之於

篇百世下聞風繼起法良意美追配前人吾於欒士有

厚望焉志宦蹟

漢

柴武漢高祖封前將軍與項羽決勝垓下淮陰侯將三十萬自當之孔將軍居左費將軍居右絳侯柴將軍在皇帝後元年率將二千五百人起薛別救東阿至灞上二年擊齊歷下軍以功封棘蒲侯十一年春韓王信居參合距漢漢使柴將軍擊之遺信書曰陛下寬仁諸侯雖有畔亡而復歸輒復位號不誅悉大王所知今王以敗亡走胡非有大罪急自歸信報曰陛下擢僕起閭巷南面稱孤此僕之幸也滎陽之事僕不能死囚於項籍此一罪也及寇攻馬邑僕不能堅守以城降之此二罪也

今反爲寇將兵與將軍爭一旦之命此三罪也夫種蠡
無一罪而身死亡今僕有三罪於陛下而欲求活於世
此伍子胥所以償於吳也今僕亡匿山谷間旦暮乞貸
蠻夷僕之思歸如痿人不忘起盲人不忘視也勢不可
耳遂戰柴將軍屠參合斬韓王信文帝三年濟北王與
居反詔以棘蒲侯柴武爲大將軍將十萬擊之八月破
濟北軍擄其王孝文帝後元元年武薨嗣子奇反不得

置後國除

史記○崇
祀鄉賢祠

魏

王仲興趙郡欒人父天德仕至殿中尙書仲興幼端謹以

父任早給事左右太和中殿內侍御史散武騎侍郎給事中出入禁內十餘年轉宄從僕射猶參密近爲齊帥從駕征新野有功除折衝將軍屯騎校尉又命率千餘騎破賊於鄧城除振威將軍越騎校尉賜帛千匹世宗卽位轉左中郎將仍齊帥及帝親政與趙修並見寵任遷光祿大夫領武衛將軍仲興雖與修並而畏慎自退不若修之倨傲無禮咸陽王禧之出奔也當時上下震駭世宗於乾脯山追仲興馳入金墉城安慰後與領軍于勁共參機要遂封上黨郡開國公食邑二千戶自拜武衛及受封之日車駕每臨饗其宅世宗遊幸仲興常

侍從外事得徑以聞百寮亦聳體而承望焉兄可久以
仲興故自散爵爲徐州征寇府長史帶彭城太守可久
在徐州恃仲興寵勢輕侮司馬梁郡太守李長壽遂至
忿爭令僮僕邀毆長壽折其脅州以表聞仲興是後漸
踈不得徑入左右世宗乃下詔奪其封邑出除平北將

軍并州刺史

魏書

唐

蘇味道趙州樂城人父榮梓州參軍味道九歲能屬辭與
里人李嶠俱以文翰顯時號蘇李逮寇州舉進士中第
累調咸陽尉吏部裴行儉才之會征突厥引管書記裴

居道爲左金吾衛將軍倩味道作章攬筆而具閑徹清
密當時盛傳延載中以鳳閣舍人檢校侍郎同鳳閣鸞
臺平章事證聖元年與張錫俱坐法繫獄錫氣象自如
味道獨席地飯蔬爲危惴可憐狀武后聞之放錫嶺南
降味道集州刺史召爲天官侍郎聖歷初復以鳳閣侍
郎同鳳閣鸞臺三品更葬其親有詔州縣治喪事味道
因役庸過程遂侵毀鄉人墓田蕭至忠劾之貶坊州刺
史遷益州大都督府長史張易之敗坐黨附貶眉州刺
史復遷益州長史未就道卒年五十八贈冀州刺史味
道練臺閣故事善章奏然其爲相特具位未嘗有所發

明脂韋自營而已常謂人曰決事不欲明白誤則有悔
摸稜持兩端可也故世號摸稜手所論著行於時弟味

元子祐

唐書○崇
祀鄉賢祠

金

李適字平甫欒城人明昌二年進士高才博學無所不通
爲人滑稽多智而不欲表表自見工畫山水得前輩不
傳之妙龍虎亦入妙品然皆其餘事也泰和太興作幕
官虎賊知府事賣權恃勢奴視同列平甫每以公事相
可否不少假借又摘其陰事數十條欲發之時虎聲勢
焰焰人莫敢仰視乃爲一書生所抗積不平誣以非罪

幾至不測雖有以自解竟坐是仕宦不進以東平治中
致仕間居陽翟十餘年自號寄菴先生平生詩文甚多

元好問

中州集

趙鼎字德新欒城人大定十六年進士喜作詩頗知道學
大爲李屏山所許仕至西京路轉運使元日詩云拜嗟
筋力隨年改飲覺屠蘇到手遲惜不多見子中立字正

卿亦第進士文舉尤著

中州集○崇
祀鄉賢祠

元

李治字仁卿欒城人遜子登金進士第調高陵簿未上辟

知均州事歲壬辰城潰治微服北渡流落忻崞間聚書

環堵人所不堪治處之裕如也世祖在潛邸聞其賢遣使召之且曰素聞仁卿學優才贍潛德不耀久欲一見其勿辭既至問河南居官者孰賢對曰險夷一節惟完顏仲德又問完顏合答及蒲瓦何如對曰二人將畧短少任之不疑此金所以亡也問今之人材賢否對曰天下未嘗乏材今儒生有如魏璠王鶚李獻卿蘭光廷趙復郝經王博文輩皆有用之材但恐用之不盡耳然四海之廣豈止此數子哉王誠能旁求於外將見集於明廷矣又問天下當何以治之對曰爲治之道立法當受紀綱而已紀綱者上下相維持法度者賞罰示懲勸

則官吏編氓皆自縱恣以私害公是無法度也功未

賞罪未必罰甚或有功者反受辱有罪者反獲寵

法度也法度廢紀綱壞天下不亂已幸矣又問地

曰天裂爲陽不足地震爲陰有餘夫地道陰也陰

則變常今之地震或奸邪在側或女謁盛行或讒臣

至或刑罰失中或征伐驟舉五者必有一於此矣夫于

之愛君如愛其子故以此警之苟能辨姦邪去女謁屏

讒慝省刑罰慎征討上當天心下協人意則可轉咎爲

休矣世祖嘉納之治晚家元氏買田封龍山下學徒益

衆及世祖卽位復聘之欲處以清要以老病懇求還山

至元二年再以學士召就職期月復以老病辭去卒於

家年八十有八

元史○崇祀鄉賢祠

蘇天爵字伯修本欒城人再徙正定父志道歷官嶺北行中書省左右司郎中和林大饑救荒有惠政天爵由國子學生試名第一釋褐授從仕郎大都路薊州判官改翰林國史院典籍至順元年預修武宗實錄陞修撰擢江南行臺監察御史慮囚湖北湖北民獠雜居天爵冒瘴毒徧歷其地囚有言寃狀者天爵曰憲司歲兩至不言何也皆曰前此慮囚者應故事耳今聞御史至當受刑故不得不言天爵爲之太息每事必究心雖盛暑猶

夜篝燈治文書無倦入爲監察御史在官四閱月章疏凡四十五上自人君至於朝廷政令稽古禮文闕闕幽隱其關乎大體繫乎得失者知無不言所劾者五人所薦舉者百有九人明年預修文宗實錄遷翰林侍制尋除中書右司都事兼經筵參贊官後至元二年由刑部郎中改御史臺都事三年遷禮部侍郎五年出爲淮東道肅政廉訪使憲綱大振一道肅然入爲樞密院判官明年改吏部尙書拜陝西行臺治書侍御史復爲吏部尙書陞參議中書省事是時朝廷更立宰相庶務多所弛張天爵知無不言言無顧忌夙夜謀畫鬚髮盡白至

正二年拜湖廣行省參知政事遷陝西行臺侍御史四年召爲集賢侍講學士兼國子祭酒天爵自以起自諸生進爲師長端已悉心以範學者明年出爲山東道肅政廉訪使尋召還集賢充京畿奉使宣撫究民所疾苦察吏之姦貪其興除者七百八十有三事其糾劾者九百四十有九人都人有包韓之譽然以忤時相意竟罷歸七年天子察其誣拜江浙行省參知政事江浙財賦居天下十七事務最煩劇天爵條分目別綱巨不遺九年召爲大都路都總管以疾歸俄復起爲兩浙都轉運使時鹽法弊甚天爵拯治有方所辦課鈔八十萬錠及

期而足十二年妖寇自淮右蔓延及江東詔仍江浙行
省參知政事總兵於饒信所克復者一路六縣其方畧
之密節制之嚴雖老帥宿將不能過之然以憂深病積
卒於軍年五十九天爵爲學博而知要長於記載嘗著
國朝名臣事畧元文類其爲文長於序事平易溫厚成
一家言而詩尤得古法有詩藁七卷文藁三十卷於是
中原前輩凋謝殆盡天爵獨身任一代文獻之寄討論
講辯雖老不倦晚歲復以釋經爲已任學者稱滋溪先

生

元史參
康熙志

董錫世祖初歷兵刑工三部尙書

康熙志

張翼字飛卿初爲吏授本縣尉轉真定錄事拜監察御史
又改河東道廉訪司事爲人莊重寡言笑嗜儒術天性
孝友能周人之急在官屢上條陳無所避忌除奸剔弊
吏畏民懷學士李治嘗誨學者曰涖官如張錄判可也
子七人俱賢節聞復張公神道碑○崇祀鄉賢祠

哈珊畏兀人祖寫云赤篤忽璘以正定府路都達魯華赤
斷事官家樂城父八儋以哈珊出爲弟哈刺哈孫後哈
珊長身美鬚髯沈謀有威知本國文字兼長騎射至元
二十年以奉訓大夫爲詹事判官二十四年除正定路
總管府達魯華赤兼管內諸軍奧魯勸農事陞嘉議大

夫二十九年陞正議大夫仍舊職正定濱滹沱歲夏秋隄堰數決興築動累月費盈鉅萬言者謂治河在邇舊合浚水於欒城縣北轉經趙州之南而東入大陸澤嘉陽堰則治水由平山西入滹沱其勢益張湮塞之餘枯瀆尙存若浚治而復嘉陽堰則治水循故道而滹沱之勢可分湍悍之暴可殺舟楫以通實鎮之利也哈珊采其言聞諸朝奏可謂四路丁夫各萬不逾時績用告成民樂而安之九年西陲有警授榮祿大夫甘肅等處中書省平章政事賜玉帶至則大振綱紀廣布耳目調節

物宜以敵外患敬事親王善撫士卒邊釁以弭大德三